



RENUNCIATIO.

QUod igitur auspiciatò fiat, ac in Reipub. & multorum hominum salutem vergat, ego *GREGORIUS HORSTIUS* Med. D. & Profess. p. t. Promotor nomine Collegii nostriritè designatus, Autoritate Cæsarea legitimè mihi concessa, juxta Decretum Collegii Medici ab Amplissimo Senatu Academico consensù unanimi confirmatum, te

Johannem Hempelium Francosteinensem Silesium

Medicinæ Doctorem creo, renuncio & proclamo, tibi-que omnes immunitates, omniaque privilegia Doctoribus Medicis ubivis terrarum concessa tribuo, docendæ, exercendæque Medicinæ potestatem amplissimam facio, in nomine DEI Triuni, Patris, Filii & Spiritus Sancti.

Insignium declaratio.

JAM salve Domine Doctor, & ea quæ sapiens vetustas ceremoniarum instar his actibus addere voluit paucis percipe.

Quod ergo primum est in *Cathedram* hanc sublimem te ascendere jubeo: postquam enim Doctoris titulum consecutus es, re ipsa quoque te Doctorem esse posse demonstrare; est enim cathedra docentium insigne, quos alios lon-